

佛說一髻尊陀羅尼經
金剛摧碎陀羅尼
不空罽索毗盧遮那佛大灌頂真言經

唐北天竺三藏沙門大廣智不空奉 詔譯

宋契丹國師中天竺摩竭陀國三藏法師慈賢 譯

唐特進試鴻臚卿北天竺三藏沙門大廣智不空奉 詔譯

佛說一髻尊陀羅尼經、金剛摧碎陀羅尼、不空罽索毗盧遮那佛大灌頂真言經



清刻龍藏佛說法變相圖

二經一呪同卷

佛說一髻尊陀羅尼經

金剛摧碎陀羅尼

不空罽索毗盧遮那佛大灌頂真言經

斯八

佛說一髻尊陀羅尼經

斯八

一

唐北天竺三藏沙門大廣智不空奉 詔譯

如是我聞一時佛在王舍大城鷲峯山中與
無量菩薩摩訶薩俱前後圍遶爾時觀自在
菩薩摩訶薩與無數持明賢聖俱前後圍遶
來詣佛所到佛所已五體投地頂禮佛足禮
佛足已遶佛三匝却坐一面時觀自在菩薩
白佛言世尊有諸天及持明仙等歸信大梵
者衆今欲降伏大梵天及諸天仙等願佛聽
許欲令一切衆生念善法故欲令一切衆生

無憂惱故除一切衆生病故及一切障難災
怖惡夢悉除滅故除一切橫病死故欲除一
切諸惡心者令柔軟故欲除一切諸魔鬼神
障難不起故世尊我今有根本心陀羅尼能
除一切衆生衆罪業故世尊我未曾見有若

天若魔若釋梵若沙門婆羅門等有能受持
此真言者若讀誦書寫流布或以此法防護
其身若入軍陣鬪戰若爲毒所害者持此陀
羅尼一切諸難無所能爲如是之法一切諸
佛所念我此陀羅尼法以經無量諸佛所記

世尊我於因地過恒河沙數劫外有佛名百
蓮花眼頂無障礙功德光明王如來我於爾
時彼佛所作大持明仙人中王於彼佛所受
得此陀羅尼得已時十方諸佛皆現目前見
佛現已忽然即得未曾有智當知此真言有

如是神力能利益無量衆生若有善男子善
女人等能晝夜懇懃受持讀誦令不忘失誦
此陀羅尼時更莫緣他境每至白月十五日
或黑月八日洗浴其身著新淨衣受持此陀
羅尼作印護身取淨泥摩壇方圓四肘結界

新八

二

已竟請我一髻明王於壇中心坐燒香散花
種種供養禮拜懺悔誦真言一百八遍持此
明者現身即得十種果報何者爲十一者身
常無病二者恒爲十方諸佛憶念三者一切
財物衣服飲食自然充足常無乏少四者能
破冤敵五者能使一切衆生發起慈心六者
一切蠱毒一切熱病無能侵害七者一切刀
杖不能爲害八者一切水火不能漂溺九者
火不能燒十者不受一切橫死是爲十復有
四種果報何等爲四一者不被禽獸所害二

者不墮地獄三者臨命終時得見十方諸佛
四者命終之後生無量壽國世尊我念過恒
河沙數劫爾時有佛名曼陀羅香如來我於
彼佛時爲優婆塞名曰翳迦惹吒婆羅門於
彼佛所復得此法常爲百千萬億梵天說法
無不歸伏者一切諸佛大慈大悲大喜大捨
智慧藏法門以此真言力故能救一切衆生
牢獄繫閉枷械枷鎖臨當刑戮水火等難種
種苦惱我恒救護令得解脫一切夜叉羅刹
斯等由此法印陀羅尼力故令諸夜叉羅刹
斯等皆發善心功德具足即能發阿耨多羅
三藐三菩提心有如是力設復有人犯四重
五逆等罪誦此陀羅尼一遍者所有一切根
本重罪皆悉除滅況復依法作印受持者當
知是人於萬萬億那由他諸佛所曾聞此法

今還得聞若善男子善女人能受持憶念晝
夜不忘者是人心中所求願無不滿足每欲求
勝上悉地用白月八日或十五日以香湯洗
浴著新淨衣每上廁一度洗浴如此淨衣不
得上廁作此法時其日不食作結界護身印
印已誦陀羅尼至於明旦其道場中置本尊
像結請印誦真言懸種種雜色幡蓋香花供
養初入道場中必須珍重至心奉請十方諸
佛至心懺悔讚歎三寶禮拜已於像前敷一
坐具胡跪恭敬至誠發願作數珠印捻已一
心誦真言一千八遍次執香爐燒香而言此
處無有種種供養上味飲食慙愧謝之世尊
我由此等法印真言力名號尊貴難可得聞
若有人稱念百千俱胝那由他諸佛名號復
有暫時稱我名號彼二人福正等無異爾時

觀自在菩薩白佛言世尊善男子善女人晝夜誦持我此明王翳迦惹吒真言者得離一切苦惱一切障難怖畏及三毒罪障悉得除愈況復有人依法修行當知是人即得阿耨多羅三藐三菩提如在掌內爾時佛告觀自在菩薩摩訶薩言善哉善哉善男子汝今能於一切衆生起大慈大悲心而欲開示此大施羅尼翳迦惹吒法印若善男子由此法方便力故悉能救脫一切衆生所有病苦障難怖畏身語意業乃至安立一切衆生於阿耨多羅三藐三菩提^{斯八}決定無疑善男子此陀羅尼印等法門我亦隨喜受汝此真言印等法我今亦印可善男子汝今說之爾時觀自在菩薩摩訶薩蒙佛印可從坐而起頂禮佛足却坐一面而入無能勝三昧從頂化出翳迦

惹吒羅刹王三目四臂所有八部鬼神大力然頂鬼王等驚怖走散各失本威莫知所在願見救護願見救護所有惡害之心從今已往并諸眷屬皈依佛法僧寶爾時翳迦惹吒降得然頂鬼王并諸眷屬來詣觀自在菩薩摩訶薩合掌恭敬白觀自在菩薩摩訶薩言我有甚深秘密陀羅尼真言能摧碎天魔及惡藥叉羅刹斯毒惡鬼神等及諸疫病水火盜賊亦能息諸冤敵願聽許我說是陀羅尼時觀自在菩薩摩訶薩讚言善哉善哉翳迦惹吒善能調伏然頂鬼王及諸藥叉羅刹斯等汝有此秘密根本陀羅尼聽汝所說今正是時翳迦惹吒蒙大聖許說生大歡喜即遶觀自在菩薩三匝却坐一面對無量諸大菩薩及無量金剛密跡及八部鬼神一切藥叉

斯八

五

羅刹衆前即說真言曰

娜謨囉多娜合二路囉合二夜引耶娜謨阿引哩

耶合二嚩嚩引枳帝濕嚩合二囉引耶冒地薩路

嚩合二耶摩訶引薩埵嚩合二耶摩訶引迦嚩拏

迦引耶娜謀翳迦惹吒耶摩訶引囉訖叉合二

斯阿訶頤哩合二馱鹽麼麼囉乞叉合二斯麼麼

母佉寫薩嚩迦哩夜合二你迦嚩咄銘怛你也

合他唵阿難底惹耶娑嚩合二訶引惹耶惹

耶夜娑嚩合二訶麼訶尾惹曳娑嚩合二訶摩訶

引盧比曳娑嚩合二訶引薩嚩尾近那合二尾那

夜迦引難那娑嚩合二訶引薩囉耶拏瑟吒合二娑

嚩合二訶囉訖叉合二囉訖叉合二娑嚩合二訶跋賒

訶塞路合二耶娑嚩合二訶引

心真言曰

唵盧室邏合二耶母涅哩合二寧曳惹吒惹吒曳

吽泮吒娑嚩合二訶引

隨心真言曰

翳咄曳合二四翳迦惹吒摩麼穆佉惹耶莎訶

時翳迦惹吒說此陀羅尼時一切天宮魔宮

及諸龍神藥叉羅刹斯諸惡毒害鬼神等各

各共領無量眷屬同詣其前同時出聲皆言

乞命我等眷屬從今已往永斷惡心誓願事

日夜守護持此陀羅尼者不令諸鬼神等得

其過便願施我等無畏願得本心時翳迦惹

吒當與諸鬼神作施無畏印各得本心禮觀

自在菩薩摩訶薩次禮化身一髻尊各還本

宮時翳迦惹吒白觀自在菩薩言我有成就

七日供養作壇法若有沙門婆羅門及善男

子等請於祕密法藏決定要成就大驗若諸

國王心生決定懺悔衆罪願欲建大道場法

斯八

六

先覓清淨寬大院宇及好寺舍佛堂之所露地亦得得是處已以白月一日於晨朝時阿闍梨身及諸弟子香湯洗浴將諸香花至其處所阿闍梨手執金剛杵次第問弟子等言汝等決定欲學諸佛祕密法藏莫生疑惑徒衆荅言我等欲學諸佛法藏決定誠信不生疑心如是次第三問三荅如是荅竟次阿闍梨手印香爐水等誦真言已手執香爐胡跪焚香啓白一切諸佛般若菩薩金剛諸天等及與一切業道冥祇今此地者是我之地我今欲立七日七夜大道場壇法之會供養一切十方法界諸佛世尊及般若波羅蜜多諸大菩薩衆金剛天等領諸徒衆決定一切祕密法藏難思議法門故取諸證成我欲護身結界法事在此院內東西南北四維上下所

有一切破壞正法毘那耶迦惡鬼神等皆須出去結界之所七里之外若正法善神鬼等我佛法中有利益者隨意而住說此語已次第依彼軍荼利法辟除結界既結界已即令掘去十肘地內一切惡土骨髮炭糠瓦礫等物若上好地掘深一磔手若中一肘下地二肘若下下地掘深三肘惡物盡去將好淨土和諸香末緊築令平基高最好次第二日及第三日以泥塗地次第四日用牛糞香泥泥其地竟次將神線四方八肘一帀挽之四角下點更以神線從東北角至西南角從東南角至西北角交叉挽之其線又中下點掘地深一磔許埋著五寶并及五穀其五寶者一金二銀三真珠四珊瑚五琥珀五穀者一大麥二小麥三稻穀四小豆五胡麻以一片絹

共裹寶穀以五色線繫綯埋之其五色線一頭出地長五指許此寶物等永未得出次作大結界其結界法執跋折羅右遶壇外急走三市辟毘那夜迦種種結界以印印地東西南北上下誦真言作印啓告辟除結界等法如初日說依軍荼利次第法用次第五日結界法式如第四日更用牛糞塗地其塗法手右旋摩勿左旋摩其餘事法同第四日次第六日阿闍梨洗浴先入壇內取好聰明弟子二人亦淨洗浴著新淨衣隨後入壇以檀香湯和白粉竟於粉汁中染其神線令一弟子把其線頭按壇東北正當角頭先點之處次阿闍梨把線一頭按壇東南正當角頭先下點之處急挽著地使一弟子捻線中央綯著地上次東北角弟子起向西南角坐亦如前

作次東南角阿闍梨起向西北角坐亦如前作次西南角弟子起向東坐亦如前法次先綯處從外向內離一肘許更依前法圍遶綯之次取八肘神線屈中當壇一方一著一一點更屈二肘繩子從壇一方中央點量左右更點兩處次其一方門辟壇繩五指許次更屈門辟向左右五指許次其門左右兩畔寬五指許作次其門外邊直盡著一方若餘三方准知次作中院外繩四肘其外院內繩與界外繩兩繩之門開一肘道其中院門四方辟與向左右總作三指許其門外邊神線綯法亦如前法其中院內方離外界一肘更綯漬神線綯其壇正中心作二肘院更莫作門次阿闍梨以五色線一真言一結五十五結用馬頭觀自在陀羅尼真言曰

翳曳咽薄伽梵阿哩耶_合縛魯吉帝濕縛_合
囉沒陀沒陀沒陀薩路耶摩訶娑麼_合囉薩
底耶_合麼努薩麼_合囉怛你也_合佉曩柱曩
柱枳尼枳尼咽尼咽尼努嚕努嚕寐嚕寐嚕
主嚕主嚕都嚕都嚕素嚕素嚕母嚕母嚕嚕

囉縛囉胃陀耶胃陀耶咽哩弭哩你知你悉
殿觀弭滿路囉_合鉢娜莎縛_合訶

次以絹帛裹於五寶并五穀子五色線繫真
言索上隨人多少一一裹之次於壇四角各
豎一竿西門兩竿以線繞繫四角竿上於其

線上懸雜色幡其壇上方東西南北四維繫

斯八

九

幡交絡莊嚴其壇外院西門南側離二尺穿
作火爐縱廣深淺各二尺作於其爐中留一
土臺上捏作香泥蓮以爲坐次日沒時阿闍
梨令諸弟子等洗浴竟次阿闍梨作大結界

次日入時召請諸佛菩薩金剛於壇中心著
一佛像北方觀自在南方金剛以種種香花
五盤飲食十六盞燈而供養之次於西門外
敷新淨席次阿闍梨喚諸弟子作護身印一
一誦真言七徧各各與印諸弟子頂及兩肩
心咽眉間髮際腦後護身畢已令諸弟子就
於席上面向東坐次取香花及白芥子阿闍
梨把白芥子念真言七徧次第打諸弟子頭
上三徧打竟更與護身用馬頭觀自在印真
言曰

唵賀也佉哩_合縛三暮多阿弭帝吽

次阿闍梨胡跪問於最長弟子而云汝今欲
得學此法否弟子答云欲得如是次第問諸
弟子法用如前次阿闍梨契手擎香水灌諸
弟子一一頭上覆之以右手按諸弟子一一

宵上爲誦馬頭觀自在真言次取真言索各與繫諸弟子臂男左女右次娑婆樹汁香次第與灌諸弟子身右旋三轉灌香水竟次旋炬火亦如前法次與齒木各長八指次授與花竟令諸弟子向東列坐教諸弟子投花向前次嚼齒木亦如前投若其花頭向人者好背向東者知魔障出向南北者皆爲不吉齒木嚼處向身者好背向東者知魔障出餘如法華法次與洗手各令飲金剛誓水敬謝飲之次阿闍梨入於壇內白佛菩薩金剛等云諸弟子等明日更欲入道場來廣作供養諸佛菩薩金剛天等請昇本宮後設供養願皆降赴受衆供養如是三說然後發遣壇內諸佛菩薩金剛及諸天等次阿闍梨向壇邊面向南坐著一火爐誦馬頭真言燒白芥子一

真言一燒一百八徧時諸弟子即得滅罪次阿闍梨與二弟子於一夜中以五色粉敷置壇內一依五方色諸餘賢聖座一依三部法次作護身印用馬頭印

唵賀也惹吒吽

次把跋折羅作阿蜜哩多軍荼利身印三迴右轉於壇外邊次作地結界四方上下次第而作并誦馬頭真言緣壇內用闍伽水餅各四方安次以帛覆其弟子眼阿闍梨心口發願以平等心普大慈悲心所有福田皆回與一切衆生已此散花法一依三部法花所著處更莫移改所有火法及請賢聖一依三部法次第次說翳迦惹吒獨建壇法及真言契等法廣明如後

曩謨沒陀

去聲

新八

十一

夜曩謨達摩耶曩謨僧伽耶娜

謨阿利耶_合縛魯枳帝濕縛_合邏耶胃地薩
哆縛_合耶摩訶薩哆縛_合夜摩訶迦魯拏迦
耶路你也_合佉唵翳迦惹吒耶摩訶囉乞叉
_合斯阿哩夜_合乃延鉢囉_合麼囉乞叉_合斯
麼麼姥佉娑婆迦唎唎夜你迦魯思四阿難
底娑縛_合訶惹耶惹耶耶娑縛_合訶薩婆尾
近那毘那夜迦囉訖叉_合囉訖叉_合娑縛_合
訶引

隨心真言曰

唵鳴囉馱唵囉姥涅哩_合尾吽泮吒娑縛訶
凡欲受持我真言先須捨貪愛及身口意業
諸不善出入護淨先須洗浴清淨著新淨衣
手執香爐端心正念啓告十方諸佛及大菩
薩一切賢聖弟子某甲今於此處欲建立壇
場所有一切善神惟願擁護所有不善之心

者急離此界夫擇地要須高山或是平原近
水及有花果之處最爲上好若在城邑寺舍
淨處即得欲作壇時先作軍荼利結界護身
辟毘那夜迦障難揀地訖當作四肘壇掘深
一時除去瓦礫并諸草穢毛髮爪甲然後填
好黃土築令堅實取佉陀羅木極長十二指
三稜成者四箇釘四角頭次用犢子糞未墮
地者其牛不得食糟次用白檀香用摩壇四
肘內須二肘高交四指取沉香檀香用塗其
上中心用牛黃和白檀香摩作一蓮花座狀
如輪形當坐本尊南邊著馬頭觀自在北邊
著軍荼利後面安毘梨耶波羅蜜壇下層安
四門東安大自在天餘門安跋折羅其跋折
羅無金銅者取柳木及紫檀木亦得壇四角
各安一餅滿餅盛水用栢柳枝及花等覆上

新八

十二

燈八盞以種種花果乳酪酥蜜飲食而供養之四門前各安一香爐燒安息香及諸名香而供養之真言師當洗浴著新淨衣一日不食面向本尊手執香爐廣發願懺悔然後端坐正念誦前根本真言十萬遍所有重罪業障皆得銷滅每趁徧數勿令間斷或趁一千八徧或一百八徧課畢之後即共人言當念誦時勿共人語念誦了畢禮拜發願然後始出次說火法其西門南著一火爐方圓深共一肘用胡麻生稻穀花等酥蜜相和竟誦馬頭隨心真言先誦火天真言前物一徧真言一投火中燒如是乃至一千八徧已次請本尊賢迹惹吒即能息一切災難欲求本尊現身者用構枝及香酥蜜等至第三日真言師取前件物相和置壇中心著禮拜行道讚歎

滿四十九市然後胡跪却請前件物真言一百八徧用根本真言後欲投火時誦心真言一千八徧一誦一燒投在火中乃至數滿燒了啓云一切諸佛諸大菩薩金剛密跡釋梵諸天一切諸仙天眼他心宿命通者當界善神願授弟子火法供養火光熾盛無煙焰中作童樂聲或輪成是大吉祥火焰未滅真言勿起便結跏坐右點左淨坐至心想惹字喻若紅玻瓈淨無翳點光明遍身本尊即從西南角現身出三目四臂頂上有阿彌陀佛狗牙上下出垂左手與真言師摩頂問之求何願真言師不得心動喜悅及怕怖等如是想不滅即是本尊從三昧緩緩起合掌小低頭禮白言聖者弟子今有願所求皆得勿多言乞願其時便得一天花分付真言師以爲信

聖者言我從今已往常勅諸八部鬼神常加
侍衛亦令使喚無難求悉地出離生死及大
成就無不得者如是求願要在山門半年所
置道場勿令異色人見亦不得更持別法常
念不空菩薩及十一面菩薩臨欲發遣誦此
真言曰

蘇佉蘇佉誡車誡車惹吒曳娑縛

二訶引

真言師不得戲笑中忘誦當覺身輕如無骨
肉心如師子王空界異香現即知聖者宮後
起行道七市後執香爐所有賢聖來至此處
供養多不如法惟願布施歡喜次作根本契
印即成散衆
獨部期尅印左手爲金剛拳直豎力度泥唎
根本印禪智進力忍願等向內相又右壓左
戒方豎頭相柱檀慧橫相壓真言曰

翳門惹隣吽

請印檀慧戒方忍願各外相附二羽合禪智
頭各柱檀慧下節文屈進力附忍願側如鉤
來去請真言曰

阿呬野谿徒

次結花座印禪智進力戒方檀慧各頭相柱

斯八

開掌忍願相去八分許真言曰

十四

唵惹吒些那

供養印願進頭相柱戒力於願背頭相柱忍
方於願背頭相柱慧度柱力度上文檀度外
橫博智羽背禪智側並豎並開虎口真言曰
唵你弭也
二合布惹
忿怒辟尾那夜迦用軍吒利身印真言曰
唵賀那賀那吽
一髻尊降伏真言曰

唵吁嚕嘑惹曳娑縛_{合訶引}

真言師洗浴灌頂印檀慧並豎戒方屈入掌
忍願頭相拄進力屈拄上節背以禪智拄檀
慧上文用隨心真言捻數珠印用蓮花部真
言

十一面觀自在印

唵阿嚕力娑縛_{合訶乞厠合素怛囉合惹閉}

吽

請火天真言曰

而曳_{合二底曳娑縛合訶}

以印用忍願屈_{斯八}甲上文相_{十五}合戒方直豎頭相

拄進力各獨屈如鉤相去一肘禪智微屈相
離三分檀慧直豎相去一寸畫像法右手執
劍右手執三股叉左手斧左索身立

佛說一髻尊陀羅尼經